



Broj: 01-04-67/23-AP-7
Datum: 17.01.2023. godine

Z A P I S N I K

(I Z V O D)

sa 9. sjednice Gradskog vijeća Zavidovići koja je održana, dana 17.01.2023. godine (utorak) sa početkom u 13.00 sati u velikoj sali zgrade gradskih organa u Zavidovićima.

Sjednici Gradskog vijeća prisustvovalo 28. vijećnika: Avdičević Amer, Avdičević Zahid, Bajramović Maja, Bošnjaković Hakija, Čatić Refik, Džinić Hamdo, Fehrić Šemso, Fojnica Admir, Hodžić Haris, Huskić Hasib, Jusić Šefik, Kaknjašević Ferid, Latifović Ramiz, Mahovac Adi, Mušanović Haris, Mujić Emir, Mujkić Admir, Mujkić Rasim, Osmić Hakija, Polić Ajdin, Sinanović Asim, Skejić Samir, Skejić Šemsudin, Šimšić Igor, Tuzlić Fehim, Imamović Armin, Dohranović Almin i Bečić Mirsad.

Osim vijećnika sjednici prisustvovali: Gradonačelnik - Hašim Mušanović, Sekretar Gradskog vijeća - Samira Pinjić, Sekretar gradskog organa državne službe - Nermin Čahtarević, pomoćnik gradonačelnika Službe za upravljanje poljoprivrede, vodoprivrede i komunalnih poslova - Izet Bašić, pomoćnik gradonačelnika Službe za upravljanje finansijama, budžet i trezor - Midhat Bajramović, pomoćnik gradonačelnika Službe za upravljanje civilne zaštite - Remzo Šogolj, pomoćnik gradonačelnika Službe za upravljanje geodetskih, imovinsko-pravnih poslova i urbanizma - Remzo Sinanović, pomoćnik gradonačelnika za Službu za upravljanje ekonomskih poslova i poduzetništva - Džeraldina Miličević, pomoćnik gradonačelnika Službe za upravljanje društvenih djelatnosti, pitanje boraca i opću upravu - Idriz Alihodžić i referent za poslove Gradskog vijeća - Eniz Kurtalić, direktor JKP „Radnik“ d.o.o. Zavidovići - Amer Halilović, predsjednik skupštine JKP „Radnik“ d.o.o. Zavidovići - Suad Omerašević, predsjednik nadzora odbora JKP „Radnik“ d.o.o. Zavidovići - Zeaz Begović i predstavnik sindikalne organizacije - Sinanović Ermin.

Ispred sredstava informisanja sjednici prisustvovala: Diana Starčević - Smart televizija d.o.o. Tešanj.

Zapisnik i ostale administrativno - tehničke poslove obavljala je Karanović Elma - lice na stručnom osposobljavanju u službama za upravljanje i posebnim službama Grada Zavidovići.

Predsjedavajući Gradskog vijeća je prije početka sjednice upoznao vijećnike Gradskog vijeća o sljedećem:

Na osnovu člana 80. Poslovnika o radu Gradskog vijeća, današnjoj 9. sjednici Gradskog vijeća Zavidovići ne prisustvuju niti slušani niti gledani mediji, obzirom da još nisu zaključeni ugovori:

- za koprodukciju radijskog programa za potrebe informisanja građana o radu organa Grada Zavidovići za 2023. godinu.
- za koprodukciju televizijskog programa za potrebe informisanja građana Grada Zavidovići za 2023. godinu. Postupak je u toku.

Na osnovu člana 81. Poslovnika o radu Gradskog vijeća Zavidovići, predsjedavajući Gradskog vijeća predložio je verifikaciju Zapisnika (Izvod) sa 8. sjednice Gradskog vijeća održane, dana 29.12.2022. godine.

Predsjedavajući Gradskog vijeća konstatuje da je Gradsko vijeće sa 26 glasa ZA, 0 PROTIV, 0 UZDRŽANIH (odsutni vijećnici: Buljubašić Demir, Bajramović Maja i Mahovac Adi) usvojilo izvod iz Zapisnika sa 8. sjednice Gradskog vijeća održane, dana 29.12.2022. godine.

Z A K L J U Č A K

1. Gradsko vijeće Zavidovići usvaja Zapisnik (Izvod) sa 8. sjednice Gradskog vijeća Zavidovići, održane 29.12.2022. godine, bez primjedbi.
2. Zaključak stupa na snagu odmah.

Na osnovu člana 61. Poslovnika o radu Gradskog vijeća, predsjedavajući Gradskog vijeća, predložio je sljedeći:

D n e v n i r e d:

1. Vijećnička pitanja, inicijative i odgovori.
Inicijative vijećnika:
 - a) Inicijativa samostalnog vijećnika Admira Mujkića za subvencioniranje troškova smještaja i boravka djece u predškolskim ustanovama.
 - b) Inicijativa vijećnika Šemsudina Skejića za uklanjanje divljih deponija na području Grada Zavidovići.
 - c) Inicijativa vijećnika Šemsudina Skejića za realizaciju inicijative za poboljšanje uže gradske jezgre.
 - d) Inicijativa vijećnika Harisa Hodžića za donošenje odluke o produženju postojećih autobuskih linija na relaciji Zavidovići – Ribnica za dodatnih 7 kilometara.
 - e) Inicijativa samostalnog vijećnika Šemse Fehrića za donošenje Odluke o izdvajanju mjesne zajednice Stavci i Brijeg iz Mjesne zajednice „Kovači“ i donošenju Odluke o formiranju nove mjesne zajednice Stavci – Brijeg.
 - f) Inicijativa samostalnog vijećnika Šemse Fehrića za organizovanje pijačnog dana u Vozućoj, jednom sedmično, bilo kojeg dana u sedmici osim subotom kada je pijačni dan u Gradu Zavidovići.
2. Zahtjev za preispitivanje Zaključka o odbijanju Nacrta Odluke o usvajanju Cjenovnika komunalnih usluga i načinu plaćanja komunalnih usluga JKP „Radnik“ d.o.o. Zavidovići sa Nacrtom Cjenovnika komunalnih usluga i načinu plaćanja komunalnih usluga JKP „Radnik“ d.o.o. Zavidovići.
(**izvjestilac:** Izet Bašić, pomoćnik gradonačelnika Službe za upravu poljoprivrede, vodoprivrede i komunalnih poslova)
3. Akcioni plan realizacije Strategije integriranog razvoja općine Zavidovići za period 2017.-2026. za 2023. godinu sa trogodišnjim planskim periodom 2023.-2025. godine.
(**izvjestilac:** Džeraldina Miličević, pomoćnik gradonačelnika Službe za upravu privrede, lokalni razvoj, infrastrukturu i međunarodnu saradnju)
4. Prijedlog Odluke o izmjenama i dopunama Poslovnika o radu Gradskog vijeća Zavidovići.
(**izvjestilac:** Samira Pinjić, sekretar Gradskog vijeća)
5. Prijedlog Odluke o prodaji nekretnine neposrednom pogodbom Parlić Nedimu, označena sa k.č. 1276/51 k.o. Zavidovići vlasništvo Grada Zavidovići radi oblikovanja građevinske čestice.

6. Prijedlog Odluke o prodaji nekretnine neposrednom pogodbom Mujić Muhamedu, označena sa k.č. 1254/8 i k.č. 1257/2 k.o. Zavidovići vlasništvo Grada Zavidovići radi oblikovanja građevinske čestice.
7. Prijedlog Odluke o pristupanju izradi Plana parcelacije za lokalitet „Gaj“ označen sa k.č. 1259/1 i 1254/7 i dijelovi k.č.: 1260, 1259/2, 1258/3, 1258/4, 1262/1, 1258/7, 1258/5, 1259/3, 1254/3, 1263/1, 1263/4, 1257/1, 1261 i 1254/2 sve u k.o. Zavidovići.
8. Prijedlog Odluke o pristupanju izradi Plana parcelacije za lokalitet „Vožuća“ označen sa k.č. 217/1 i k.č. 217/11 k.o. Vožuća.
9. Prijedlog Odluke o usvajanju Plana parcelacije za k.č. 1573/1 i k.č. 1481/1 k.o. Zavidovići.
10. Prijedlog Odluke o davanju saglasnosti za prenos prava vlasništva i posjeda na Mjesnu zajednicu „Brezik“.
11. Prijedlog Odluke o davanju saglasnosti za prenos prava vlasništva i posjeda na Mjesnu zajednicu „Gostović“.
12. Prijedlog Odluke o davanju saglasnosti za prenos prava vlasništva i posjeda k.č. 71 k.o. Hajderovići, na Mjesnu zajednicu „Pašin Konak“.
13. Prijedlog Odluke o davanju saglasnosti za prenos prava vlasništva i posjeda k.č. 81 k.o. Vožuća, na Mjesnu zajednicu „Vožuća“.
(**izvjestilac po tačkama 5. - 13.:** Remzo Sinanović, pomoćnik gradonačelnika Službe za upravu geodetskih, imovinskopравnih poslova i urbanizma).
14. Prijedlog Odluke o davanju na korištenje poslovne prostorije u vlasništvu Grada Zavidovići Udruženju ljubitelja i autora pisane riječi „Duga“ Zavidovići.
(**izvjestilac:** Nermin Čahtarević, sekretar gradskog organa državne službe)
15. Izvještaj o stanju opremljenosti Profesionalne vatrogasne jedinice Grada Zavidovići za 2022. godinu.
(**izvjestilac:** Remzo Šogolj, pomoćnik gradonačelnika Službe za upravu civilne zaštite)

Predsjedavajući Gradskog vijeća Zavidovići konstatuje da Gradsko vijeće sa 27 glasova ZA, 0 PROTIV, 0 UZDRŽANIH (odsutni vijećnici: Buljubašić Demir i Bajramović Maja) usvaja predloženi dnevni red 9. sjednice Gradskog vijeća Zavidovići.

Z A K L J U Č A K

1. Gradsko vijeće Zavidovići usvaja predloženi dnevni red 9. sjednice Gradskog vijeća Zavidovići.
2. Zaključak stupa na snagu odmah i čini sastavni dio dokumentacije Gradskog vijeća.

RAD PO DNEVNOM REDU

Ad.1. - Vijećnička pitanja, inicijative i odgovori.

VIJEĆNIČKA PITANJA VIJEĆNIKA HODŽIĆ HARIS:

Haris Hodžić:

u ime Kluba vijećnika Socijaldemokratske partije BiH

Predmet: Vijećnička pitanja,

Na osnovu članova 8. i 87. Poslovnika o radu Općinskog vijeća Zavidovići, kao vijećnik Gradskog vijeća Zavidovići postavljam sljedeće vijećničko pitanje: Tražim od nadležnih službi

da mi se dostavi informacija koje pravno lice upravlja led displejom na glavnoj raskrsnici u gradu te kakve su obaveze općine Zavidovići prema istom?

Direktno pitanje: Tražimo od nadležne gradske službe da nam dostavi podatke koje pravno lice upravlja led displejom na glavnoj raskrsnici u gradu, te da li općina Zavidovići ima ikakve obaveze prema istom, odnosno da li je u predhodnim godinama koristila usluge oglašavanja, te koje su usluge u pitanju i koliko je plaćeno za iste?

Od nadležnih zahtijevam jasne odgovore u pisanoj formi.

Vijećničko pitanje upućuje se nadležnim općinskim službama.

S poštovanjem,

Predmet: VIJEĆNIČKO PITANJE, dostavlja se

Na osnovu članova 8. i 87. Poslovnika o radu Općinskog vijeća Zavidovići, kao vijećnik Gradskog vijeća Zavidovići postavljam sljedeće vijećničko pitanje: Tražim informaciju, od strane Stručne službe općinskog vijeća i nadležnih službi, o aktivnostima vijećnika Gradskog vijeća Zavidovići za period od 01.01.2022. godine do 31.12.2022. godine?

Direktno pitanje:

Tražimo od nadležne Stručne službe Gradskog vijeća Zavidovići da nam dostavi razinu aktivnosti Gradskog vijeća Zavidovići pojedinačno po svakom vijećniku kao i pojedinačno po svakom Klubu.

Odgovor na ovo pitanje treba da sadrži sljedeće informacije: Broja upućenih inicijativa, broja postavljenih vijećničkih pitanja, broja učešća u raspravama, broja replika, broja ispravki krivog navoda i drugih vidova učešća na sjednicama Općinskog vijeća Zavidovići.

Podatke je potrebno dostaviti pojedinačno za svakog vijećnika kao i pojedinačno po svakom Klubu vijećnika koji participira u GV Zavidovići, tabelarnim hronološkim redoslijedom po aktivnosti uzimajući 01.01.2022. godine do 31.12.2022. godine.

Od nadležnih zahtijevam jasne odgovore u pisanoj formi.

Vijećničko pitanje upućuje se Stručnoj službi Gradskog vijeća Zavidovići.

S poštovanjem,

Predmet: VIJEĆNIČKO PITANJE, dostavlja se

Na osnovu članova 8. i 87. Poslovnika o radu Općinskog vijeća Zavidovići, kao vijećnik Gradskog vijeća Zavidovići postavljam sljedeće vijećničko pitanje: Tražim da mi se dostavi informacija gdje je utrošeno 150.000,00 KM po ugovoru broj 1374-1-1-225-5-187/22 – Heldovac doo Žepče?

Direktno pitanje:

Tražimo od nadležne službe da nam dostavi spisak cesta i lokaliteta gdje su utrošena sredstva iz ugovora br. 1374-1-1-225-5-187/22 te zašto je izvršenje ovog ugovora vršeno od starane

drugog poslovnog subjekta a ne pravnog lica Heldovac doo Žepče kao najpovoljnijeg izvođača radova po ovom javnom pozivu?

Također, potrebno je dostaviti imena pravnih subjekata koji su se prijavili na javni poziv po kojem je naknadno pravno lice Heldovac doo Žepče potpisalo ugovor br. 1374-1-1-225-5-187/22, kao i njihove ponude/licitacije (ponuda svih pravnih lica po ovom javnom pozivu).

Od nadležnih zahtijevam jasne odgovore u pisanoj formi.

Vijećničko pitanje upućuje se nadležnim općinskim službama.

S poštovanjem,

Predmet: VIJEĆNIČKO PITANJE, dostavlja se

Na osnovu članova 8. i 87. Poslovnika o radu Općinskog vijeća Zavidovići, kao vijećnik Gradskog vijeća Zavidovići postavljam sljedeće vijećničko pitanje: Tražim od nadležne službe da nam dostavi informaciju da li su dole navedeni ugovori direktni sporazumi ili je njihovo izvršenje bilo predmet javni nabavki?

1. 6137274 Izdaci za usluge popravki i održavanja, razvoj turzima izvršen je u iznosu od 6.973,20 KM a odnosi se na sljedeće: 6.973,20 KM Obrt „Musa“ vl. Hasaković Mustafa, Zavidovići – postavljanje promotivnog panoa na ulazu u Gradu Zavidovići iz pravca Maglaj i Olovo.
2. 61399185 Izdaci za učešće u provođenju preventivnih mjera zaštite i spašavanja izvršen je u iznosu od 6.552,00 KM, a odnosi se na sljedeće: 6.552,00 KM „BN Transport“ d.o.o. Zavidovići sanacija pristupnog puta prema Bliznoj Kota 645 za potrebe deminiranja.
3. 8212211 Izdaci za vanjsku rasvjetu, pločnike i ograde – 14.851,98 KM „MGV Gradnja“ d.o.o. Zavidovići rekonstrukcija pješačkih staza i rukohvata na području Grada Zavidovići.
4. 8212241 Nabavka objekata vodovoda i kanalizacije opći fonr izvršen je u iznosu 14.013,79 KM, a odnosi se na sljedeće: 14.013,79 KM „Porobić“ d.o.o. Zavidovići – popravka cjevovoda i rezervoara na vodovodu „Vučjak“ Zavidovići.
5. 82131913 Nabavka opreme izdaci za opremanje struktura civilne zaštite (isušači) izvršen je u iznosu od 6.949,80 KM, a odnosi se na sljedeće: 6.949,80 KM „Architektengruppe S71“ d.o.o. Sarajevo nabavka i isporuka isušivača vlage.

Također, za ove ugovore je potrebno dostaviti brojeve ugovora i datume potpisivanja (napomena: ovu informaciju sam tražio i na sjednici vijeća od pomoćnika načelnika razmatrajući tačku rebalans budžeta, ali odgovor nisam dobio).

Od nadležnih zahtijevam jadne odgovore u pisanoj formi.

S poštovanjem,

VIJEĆNIČKO PITANJE I INICIJATIVE VIJEĆNIKA ARMIN IMAMOVIĆ:
Armin Imamović:

Predmet: Vijećničko pitanje

U skladu sa odredbama Poslovnika o radu Gradskog vijeća upućujem vijećničko pitanje pravobranilaštvu Grada Zavidovići, a koje glasi:

Obzirom da je udruženje građana ŽIVOTINJSKO CARSTVO ARMA čiji sam ja osnivač, predsjednik a ujedno i jedini investitor sa namjerom da se riješi zbrinjavanje pasa lualica pa u namjeri i izgradio vlastitim sredstvima azil za pse, a da sam pri tome od strane mog kolege vijećnika Harisa Hodžića optužen i identificiran kao kriminalac što je za posljedicu rezultiralo mojim prekidom ugovora sa gradom.

Nakon provedene istrage od strane Kantonalnog ministarstva uz posjete inspekcija utvrđeno je da nikakvih osnova nema da bi u mom radu nešto se okarakterisalo kao kriminalno djelo.

Moje vijećničko pitanje glasi:

Koliko ima aktivnih tužbi za ugrize djece, odraslih, pretrpljeni strah i ostalu materijalnu štetu (dakle tužbe koje su u procesu)? svi prijavljeni slučajevi.

Koliko je novca do sada isplaćeno na ime odštete po sudskim presudama kao i koliko je dato za sudske troškove?

Molim podatke unazad 5 god koji će biti transparentni i koncizno sumirani.

Odgovor tražim u pisanom obliku.

Predmet: INICIJATIVA I

Poštovani, na osnovu člana 109. Poslovnika o radu općinskog vijeća Zavidovići Umanjuje se konto 613975 Izdaci za naknade vijećnika za 209 652 KM, a što iznosi Visinu vijećničkih jednogodišnjih paušala, a sredstva se prebacuju na jedinstveni novootvoreni račun. Račun će biti namjenski otvoren za pokrivanje tribina i uređivanje gradskog Stadiona FK Krivaja.

Predmet: INICIJATIVA II

Ukida se transfer 614 323 financiranje Parlamentarnih grupa od 69600 KM (cifra koja je amandmanski nametnuta) a novac prebaciti na jedinstveni novootvoreni račun, a koji će se upotrijebiti za održavanje, osvjetljivanje i uređivanje cvijećem mosta DUGA.

U skladu sa poslovníkom INICIJATIVE podnosim u pisanoj formi.

OBRAZLOŽENJE:

Po uzoru na druge općine i gradove koji su ranije usvojili ovakve inicijative i novac preusmjerile u razvojne i socijalne programe predlažem da naše vijeće usvoji takav način razmišljanja.

Parlamentarne grupe se mogu osloniti i na druge načine financiranja kao što su članarine, dobrovoljni prilozi, izdavačka djelatnost, prihodi od imovine u vlasništvu stranke kao i preduzeća koja su u vlasništvu političke stranke a vezane su za kulturu i izdavačku djelatnost. Kao vijećnici trebamo pokazati da nam novac nije primaran kad se radi o našem gradu i da mi svi zajedno imamo mnogo veće ciljeve.

Većina vijećnika je amandmanski pokazala svoju humanost pa hajde da svojim glasovima pokažemo da smo humani i kad je naš džep u pitanju.

Smatram da niko od nas nije došao na ova mjesta iz koristi nego iz patriotizma, a koliko znamo niko od nas egzistencionalno ne ovisi o ovom paušalu.

Kao simboličnu naknadu predlažem 1 KM kao paušal.

Predmet: INICIJATIVA

Poštovani, na osnovu člana 109. Poslovnika o radu općinskog vijeća Zavidovići Podnosim INICIJATIVU za podnošenje imovinskih kartica svih aktuelnih vijećnika u O.V Zavidovići, a koje će se odnositi na imovinsko stanje prije izbora u G.V kao i imovinsko stanje nakon preuzimanja dužnosti do danas. Isto tako vijećnici koji su se odrekli paušala da navedu u koje svrhe kome i u kom iznosu prosljeđuju taj iznos.

U skladu sa poslovníkom INICIJATIVU podnosim u pisanoj formi.

OBRAZLOŽENJE:

Oni vijećnici koji su u stalnom kontaktu sa građanima (a ja sam jedan od tih) svjedoci su stalnih optužbi i insinucija na račun vijećnika, a koje se odnose na protupravno korištenje svog položaja, a u svrhu sticanja materijalne koristi. Stvara se atmosfera nepovjerenja i beznađa, a svaki trud i odluka vijeća se komentira u smislu: „Kome li sada namještaju i ko će od ovoga imati benefit“

Zato u duhu transparentnosti predlažem da svi aktuelni vijećnici (oni koji su drugi mandat onda prije tog mandat) javno dostave svoje imovinsko stanje prije stupanja na dužnost kao i trenutno imovinsko stanje, a koje ćemo objaviti javno.

Također se spekulira i da su vijećnici koji su se odrekli „paušala“ učinili to samo deklarativno pa ih pozivam da javno pokažu gdje je preusmjeren taj novac.

VIJEĆNIČKA PITANJA VIJEĆNIKA ŠEMSO FEHRIĆ:

Šemso Fehrić:

Predmet: Vijećničko pitanje

U kojoj fazi je rekonstrukcija lokalnog puta Vozuća-Sljivići-Crnjevo, koji obim radova je predviđen, kao i u kojem vremenskom roku se treba izvesti rekonstrukcija ovog puta?

Predmet: Vijećničko pitanje

Da li se planira u skorije vrijeme raditi sanacije fontane u centru grada?

VIJEĆNIČKA PITANJA I INICIJATIVA VIJEĆNIKA SAMIRA SKEJIĆA:

Samir Skejić:

Predmet: INICIJATIVA za donošenje Odluke o izmjenama i dopunama člana 4 stav 5 i 6, člana 11, člana 12 stav 1 tačka i), člana 14 stav 2 i člana 18 Odluke o pravima demobiliziranih branilaca Grada Zavidovići članova njihovih porodica broj: 01-11-1580/22-AP-16 od: 31.10.2022. godine (Službeni glasnik Grada Zavidovići br: 6/22).

Na osnovu člana 171.a. Poslovnika o radu Gradskog vijeća Zavidovići, vijećnik Gradskog vijeća Zavidovići Samir Skejić Gradskom vijeću podnosi gore navedenu Inicijativu.

Radi nemogućnosti provođenja i realizacije navedene odluke.

OBRAZLOŽENJE:

Gradsko vijeće Zavidovići je na 6. redovnoj sjednici gradskog vijeća Zavidovići donijelo neprovodivu Odluku o pravima demobiliziranih branilaca Grada Zavidovići i članova njihovih porodica po Inicijativi UG JUDB Zavidovići usvojenoj Zaključkom Općinskog vijeća dana 21.09.2021. godine broj: 01-04-2198/21-AP-8. Usvojena odluka je neprovodiva po istoj demobilizirani branioci i članovi njihovih porodica po njoj ne mogu ostvarivati prava za liječenje i naknade prevoza na liječenje u drugi kanton iz sledećnih razloga: Članom 4. stav 6 je navedeno da će nadležna Služba donijeti posebne kriterije za ostvarivanje prava na pomoć u liječenju i da će Gradonačelnik svojim aktom odobravat pomoć za liječenje. Međutim niti služba niti Gradonačelnik nemaju ni ustavnu i zakonsku niti statutarne dužnosti niti ovlasti da donese posebne kriterije niti akte za koje vijeće nije dalo saglasnost za donošenje propisa iz nadležnosti vijeća. Članom 1 navedene Odluke je propisano: Ovom odlukom utvrđuje se prava, način, uslovi, kriteriji i postupak za ostvarivanje statusnih prava na novčane pomoći. Iz citiranog dijela člana 1 odluke je jasno propisano da se ovom odlukom utvrđuje i kriteriji što znači da Služba nema apsolutno ni nadležnost ni ovlasti ni saglasnost ni potrebu za donošenje posebnih kriterija za ostvarivanje prava pomoći za liječenje, niti Gradonačelnik ima ingerencije da posebnim aktom odobrava ovakvu odluku. Također članom 4. stav 5 odluke su bolesni branioci ucijenjeni za ostvarivanje pomoći za liječenje ako su podnijeli zahtjev za pomoć sa viših nivoa uskraćuje se ostvarivanje pomoći bolesnim bivšim borcima.

Predlažem gradskom vijeću Zavidovići da hitno prihvati inicijativu kako bi se omogućila pomoć bolesnim borcima.

Predmet: Vijećnička pitanja,

1. Zamolio bih ovlaštene predstavnike svih mjesnih zajednica da Gradskom vijeću Zavidovići dostave kompletne izvještaje o poslovanju u periodu od 2020. godine do 2022. godina, trenutnom finansijskom statusu, ostvarenim novčanim transferima i donacijama od strane Grada, prometu i prodaji nekretnina i imenima kupaca s kojima je ostvarivana kupoprodaja u navedenom periodu te investicionim planovima i napretku u njihovoj realizaciji. Moliću isključivo odgovor u pisanoj formi.
2. Zamolio bih za potpuniji izvještaj o poslovanju preduzeća PROGRES – N d.o.o. Zavidovići obzirom da u ranijem izvještaju nisu dostavljeni kompletni podaci o ostvarenoj ukupnoj dobiti na godišnjem nivou kao ni podatak na koji period preduzeće formira ugovorne odnosne i kad ističe posljednji ugovor o pružanju usluga. Ujedno, tražiću i podatak da li se naplata usluga na sedmičnom nivou vrši u skladu sa Zakonom o porezu na dobit Federacije BiH. Moliću isključivo odgovore u pisanoj formi.
3. Zamolio bih opširnije tumačenje člana 177. Poslovnika o radu Gradskog vijeća Zavidovići:

Član 177.

„Materijali Vijeća i radnih tijela povjerljive prirode nisu dostupni javnosti“.

Molio bih da se konkretizovano navede situacije i okolnosti u radu Vijeća o kojima ne treba obavještavati javnost i da se protumače razlozi zašto nije dobro da javnost bude obaviještena o svemu što je nadležnost Vijeća.

Moliću isključivo odgovore u pisanoj formi.

VIJEĆNIČKA PITANJA VIJEĆNIKA ZAHIDA AVDIČEVIĆA:

Zahid Avdičević:

Predmet: Vijećničko pitanje,

1. Inicijativu koju sam predložio prije otprilike 12 mjeseci ne znam je li realizovana, nemam te podatke, a tiče se sanacije-rekonstrukcije šehidskih nišana koje smo trebali uputiti prema Ministarstvu Zeničko - dobojskog kantona?

Predmet: Vijećničko pitanje,

2. Prije desetak mjeseci bilo je jedno moje pitanje, odnosno više inicijativa da dva invalidska mjesta kod Gradske džamije da se pridruži još jedno treće i da se naprave dva šira mjesta za one ljude koji u kolicima dolaze da obavljaju svoje vjerske obrede, međutim neki dan sam prošao i vidim da su ista ta dva mjesta stoje, znači nisu proširena, a znači bilo je to otprilike prije desetak mjeseci?

Pa evo tražim od nadležne službe da mi odgovori, evo može usmeno, može i pismeno, kad to planiraju napraviti? Zahvaljujem.

VIJEĆNIČKA PITANJA VIJEĆNIKA AMERA AVDIČEVIĆA:

Amer Avdičević:

Predmet: Vijećničko pitanje,

Zašto nadležna služba nije do sada realizovala Zaključak vijeća broj: 01-19-65/22-AP-6 kojim se prihvata inicijativa za donošenje odluke o postavljanju jarbola sa zastavom države Bosne i Hercegovine na svaki ulaz u Zavidoviće, kao i na raskrnicu u centru grada.

OBRAZLOŽENJE:

31.01.2022. godine, dakle na početku prošle godine usvojen je ovaj Zaključak. Rok za realizaciju inicijative je 60 dana. Prošla je godina dana, završila se jedna budžetska godina, sredstva su bila predviđena u budžetu 2022. godine za realizaciju ove inicijative, međutim i danas nije izvršena.

Molim da mi se odgovor dostavi u pisanoj formi.

Predmet: Vijećničko pitanje,

Da li su poduzete ikakve aktivnosti na rješavanju problema pasa lutalica.

OBRAZLOŽENJE:

Uzimajući u obzir da su u budžetu 2022. godine bila obezbijedena sredstva za ovu namjenu, izvršena, ove godine također planirana, zbog čega imamo toliko pasa lualica na ulicama?

Gradsko vijeće ne snosi odgovornost ukoliko bi se dogodila kakva nesreća, problem pasa lualica je problem Gradonačelnika, nadležne službe i onih kojima se navedena sredstva dodjeljuju.

Da li iko nadzire kako su i da li su na pravi način utrošena ta sredstva?

Ako jesu, da li je malo sredstva, neka nam neko sugeriše. Ako jeste malo, moramo pronaći način da uvećamo sredstva, moramo pronaći način da riješimo taj problem dok nas nije zadesila kakva tragedija. Svjedoci smo sličnih tragičnih događaja o kojima pišu mediji ovih dana. Zaista nam ne treba takav jedan.

Molim da mi se odgovor dostavi u pisanoj formi.

Predmet: Vijećničko pitanje,

Da mi nadležna služba dostavi izvještaj koliko vijećnika u ovom mandatu do ovog trenutka odreklo zaista svojih paušala?

Molim odgovor u pisanoj formi.

Predsjedavajući Gradskog vijeća: Prelazimo na odgovore sa 6. sjednice Gradskog vijeća Zavidovići, održane 31.10.2022. godine, a vijećnik koji je postavio pitanje je Hamdo Džinić 1.

Hamdo Džinić: Nisam, nemam dopunsko.

Predsjedavajući Gradskog vijeća: Prelazimo na odgovore sa 8. sjednici Gradskog vijeća održana 29.12.2022. godine, a sljedeći vijećnici su postavili pitanja: Haris Hodžić 1, Fojnica Admir 5, Amer Avdićević 1, Igor Šimšić 3.

Haris Hodžić: Nisam, nema dopunsko.

Admir Fojnica: Nisam, nisu svi odgovori dostavljeni. Nema dopunskih pitanja.

Amer Avdićević: Zadovoljan.

Igor Šimšić: Zadovoljan.

ZAKLJUČAK

1. Vijećnici Gradskog vijeća Zavidovići razmatrajući dopunu odgovore na vijećnička pitanja sa 6. sjednice Gradskog vijeća održane dana 31.10.2022. godine, izjasnili su se:
 - Hamdo Džinić: Nije zadovoljan odgovorima, nema dopunska pitanja.
2. Vijećnici Gradskog vijeća Zavidovići razmatrajući odgovore na vijećnička pitanja sa 8. sjednice Gradskog vijeća održane dana 29.12.2022. godine, izjasnili su se:
 - Haris Hodžić: Nije zadovoljan odgovorima, nema dopunska pitanja.
 - Admir Fojnica: Nije zadovoljan, nisu svi odgovori dostavljeni, nema dopunskih pitanja.
 - Amer Avdićević: Zadovoljan odgovorima.
 - Igor Šimšić: Zadovoljan odgovorima.
3. Zaključak stupa na snagu odmah.

Vijećničke Inicijative:

- a) Inicijativa samostalnog vijećnika Admira Mujkića za subvencioniranje troškova smještaja i boravka djece u predškolskim ustanovama.
Admir Mujkić: Povlači inicijativu.
- b) Inicijativa vijećnika Šemsudina Skejića za uklanjanje divljih deponija na području Grada Zavidovići.

Predsjedavajući Gradskog vijeća konstatuje da Gradsko vijeće sa 28 glasova ZA, 0 PROTIV, 0 UZDRŽANIH (odsutni vijećnici: Demir Buljubašić) prihvata Inicijativa vijećnika Šemsudina Skejića za uklanjanje divljih deponija na području Grada Zavidovići.

ZAKLJUČAK

- 1. Gradsko vijeće Zavidovići prihvata Inicijativa vijećnika Šemsudina Skejića za uklanjanje divljih deponija na području Grada Zavidovići.
- 2. Zadužuju se Gradonačelnik sa nadležnom Službom za realizaciju predmetne Inicijative.
- 3. Zaključak stupa na snagu danom donošenja, a o njegovoj realizaciji starat će se Služba za upravu poljoprivrede, vodoprivrede i komunalnih poslova.
- c) Inicijativa vijećnika Šemsudina Skejića za realizaciju inicijative za poboljšanje užegradске jezgre.
Šemsudin Skejić: Povlači inicijativu.
- d) Inicijativa vijećnika Harisa Hodžića za donošenje odluke o produženju postojećih autobuskih linija na relaciji Zavidovići – Ribnica za dodatnih 7 kilometara.

Predsjedavajući Gradskog vijeća konstatuje da Gradsko vijeće sa 12 glasova ZA, 1 PROTIV, 15 UZDRŽANIH (odsutni vijećnici: Demir Buljubašić) ne prihvata Inicijativa vijećnika Harisa Hodžića za donošenje odluke o produženju postojećih autobuskih linija na relaciji Zavidovići – Ribnica za dodatnih 7 kilometara.

ZAKLJUČAK

- 1. Gradsko vijeće Zavidovići odbija Inicijativa vijećnika Harisa Hodžića za donošenje odluke o produženju postojećih autobuskih linija na relaciji Zavidovići – Ribnica za dodatnih 7 kilometara.
- 2. Zaključak stupa na snagu danom donošenja
- e) Inicijativa samostalnog vijećnika Šemse Fehrića za donošenje Odluke o izdvajanju mjesne zajednice Stavci i Brijeg iz Mjesne zajednice „Kovači“ i donošenju Odluke o formiranju nove mjesne zajednice Stavci – Brijeg.

Šemso Fehrić: Obrazložio inicijativu.

Predsjedavajući Gradskog vijeća konstatuje da Gradsko vijeće sa 7 glasova ZA, 8 PROTIV, 13 UZDRŽANIH (odsutni vijećnici: Demir Buljubašić) ne prihvata Inicijativa samostalnog vijećnika Šemse Fehrića za donošenje Odluke o izdvajanju mjesne zajednice

Stavci i Brijeg iz Mjesne zajednice „Kovači“ i donošenju Odluke o formiranju nove mjesne zajednice Stavci – Brijeg.

Šemso Fehrić je izrazio sumnju u tačnost rezultata glasanja, te je tražio poimenično izjašnjavanje po ovoj inicijativi.

Predsjedavajući Gradskog vijeća nakon poimeničnog izjašnjavanja konstatuje da Gradsko vijeće sa 5 glasova ZA, 4 PROTIV, 19 UZDRŽANIH (odsutni vijećnici: Demir Buljubašić) ne prihvata Inicijativa samostalnog vijećnika Šemse Fehrića za donošenje Odluke o izdvajanju mjesne zajednice Stavci i Brijeg iz Mjesne zajednice „Kovači“ i donošenju Odluke o formiranju nove mjesne zajednice Stavci – Brijeg.

ZAKLJUČAK

1. Gradsko vijeće Zavidovići odbija Inicijativa samostalnog vijećnika Šemse Fehrića za donošenje Odluke o izdvajanju mjesne zajednice Stavci i Brijeg iz Mjesne zajednice „Kovači“ i donošenju Odluke o formiranju nove mjesne zajednice Stavci – Brijeg, obzirom da je ista nije podnesena u skladu sa članom 10. i 16. Privremene Statutarne Odluke Grada Zavidovići („Službeni glasnik Općine Zavidovići“, broj: 4/2022), a u vezi sa članom 60. Stav (1), (3) i (4) Statuta Općine Zavidovići („Službeni glasnik Općine Zavidovići“, broj: 5/08, 5a/08 i 11/19).

2. Zaključak stupa na snagu danom donošenja.

- f) Inicijativa samostalnog vijećnika Šemse Fehrića za organizovanje pijačnog dana u Vozuđoj, jednom sedmično, bilo kojeg dana u sedmici osim subotom kada je pijačni dan u Gradu Zavidovići.

Predsjedavajući Gradskog vijeća konstatuje da Gradsko vijeće sa 7 glasova ZA, 1 PROTIV, 20 UZDRŽANIH (odsutni vijećnici: Demir Buljubašić) ne prihvata Inicijativa samostalnog vijećnika Šemse Fehrića za organizovanje pijačnog dana u Vozuđoj, jednom sedmično, bilo kojeg dana u sedmici osim subotom kada je pijačni dan u Gradu Zavidovići.

ZAKLJUČAK

1. Gradsko vijeće Zavidovići odbija Inicijativa samostalnog vijećnika Šemse Fehrića za organizovanje pijačnog dana u Vozuđoj, jednom sedmično, bilo kojeg dana u sedmici osim subotom kada je pijačni dan u Gradu Zavidovići.

2. Zaključak stupa na snagu danom donošenja

Ad.2. - Zahtjev za preispitivanje Zaključka o odbijanju Nacrta Odluke o usvajanju Cjenovnika komunalnih usluga i načinu plaćanja komunalnih usluga JKP „Radnik“ d.o.o. Zavidovići sa Nacrtom Cjenovnika komunalnih usluga i načinu plaćanja komunalnih usluga JKP „Radnik“ d.o.o. Zavidovići.

Uvodno izlaganje podnio Izet Bašić, Amer Halilović i Zeaz Begović.

U raspravi učestvovali: Imamović Armin, Kaknjašević Ferid, Avdičević Amer, Suad Omerašević, Zeaz Begović, Samir Skejić, Hakija Osmić, Avdičević Zahid, Šemso Fehrić, Sinanović Ermin, Amer Halilović, Bošnjaković Hakija, Rasim Mujkić.

Predsjedavajući Gradskog vijeća predložio je sljedeći

ZAKLJUČAK

1. Prihvata se zahtjev Gradonačelnika za preispitivanje Zaključka o odbijanju Nacrta Odluke o usvajanju Cjenovnika komunalnih usluga i načinu plaćanja komunalnih usluga JKP „Radnik“ d.o.o. Zavidovići sa Nacrtom Cjenovnika komunalnih usluga i načinu plaćanja komunalnih usluga JKP „Radnik“ d.o.o. Zavidovići, broj: 01-11-2947/22-AP-6 od 30.11.2022. godine.
2. Zadužuje se Gradonačelnik sa Službom za upravu poljoprivrede, vodoprivrede i komunalnih poslova, da za narednu sjednicu Gradskog vijeća dostave novi Nacrta Odluke o usvajanju Cjenovnika komunalnih usluga i načinu plaćanja komunalnih usluga JKP „Radnik“ d.o.o. Zavidovići sa Nacrtom Cjenovnika komunalnih usluga i načinu plaćanja komunalnih usluga JKP „Radnik“ d.o.o. Zavidovići, u kojoj će se ____.
3. Ukida se Zaključak Gradskog vijeća Zavidovići o odbijanju Nacrta Odluke o usvajanju Cjenovnika komunalnih usluga i načinu plaćanja komunalnih usluga JKP „Radnik“ d.o.o. Zavidovići sa Nacrtom Cjenovnika komunalnih usluga i načinu plaćanja komunalnih usluga JKP „Radnik“ d.o.o. Zavidovići, broj: 01-11-2947/22-AP-6 od 30.11.2022. godine („Službeni glasnik Grada Zavidovići“, broj: 7/2022).
4. Ovaj Zaključak stupa na snagu danom donošenja, a o njegovoj realizaciji starat će se Službom za upravu poljoprivrede, vodoprivrede i komunalnih poslova.

Predsjedavajući Gradskog vijeća Zavidovići otvara raspravu po Zaključku.

U raspravi po Zaključku učestvovao: Gradonačelnik Hašim Mujanović.

Nakon provedenog glasanja predsjedavajući Gradskog vijeća Zavidovići konstatuje da Gradsko vijeće sa 1 glas ZA, 15 PROTIV, 11 UZDRŽANIH (odsutni vijećnici: Buljubašić Demir i Čatić Refik) odbija prijedlog Zaključka.

ZAKLJUČAK

1. Gradsko vijeće Zavidovići odbija Zahtjev Gradonačelnika broj: 02-11-2689/22 od 05.12.2022. godine, za preispitivanje Zaključka o odbijanju Nacrta Odluke o usvajanju Cjenovnika komunalnih usluga i načinu plaćanja komunalnih usluga JKP „Radnik“ d.o.o. Zavidovići sa Nacrtom Cjenovnika komunalnih usluga i načinu plaćanja komunalnih usluga JKP „Radnik“ d.o.o. Zavidovići, broj: 02-11-2947/22-AP-6 od 30.11.2022. godine.

2. Gradsko vijeće Zavidovići potvrđuje Zaključak o odbijanju Nacrta Odluke o usvajanju Cjenovnika komunalnih usluga i načinu plaćanja komunalnih usluga JKP „Radnik“ d.o.o. Zavidovići sa Nacrtom Cjenovnika komunalnih usluga i načinu plaćanja komunalnih usluga JKP „Radnik“ d.o.o. Zavidovići, broj: 02-11-2947/22-AP-6 od 30.11.2022. godine.

3. Zaključak stupa na snagu danom donošenja.

Ad.3. - Akcioni plan realizacije Strategije integriranog razvoja općine Zavidovići za period 2017.-2026. za 2023. godinu sa trogodišnjim planskim periodom 2023.-2025. godine.

Uvodno izlaganje podnijela Džeraldina Miličević.

U raspravi učestvovali: Šimšić Igor, Kaknjašević Ferid, Šemsudin Skejić i Samir Skejić.

Odgovor iz službe: Džeraldina Miličević.

Haris Hodžić: Predlaže Zaključak i to: Gradsko vijeće Zavidovići vraća Akcioni plan realizacije Strategije integriranog razvoja općine Zavidovići za period 2017.-2026. za 2023.

godinu sa trogodišnjim planskim periodom 2023. – 2025. godine, te isti vraća na doradu i nalaže Službi za upravu privredne, lokalni razvoj, infrastrukturu i međunarodnu saradnju da akcioni plan revidira i uskladi sa Budžetom Grada Zavidovići za 2023. godinu.

Predsjedavajući Gradskog vijeća Zavidovići konstatuje da Gradsko vijeće sa 18 glasova ZA, 0 PROTIV, 7 UZDRŽANIH (odsutni vijećnici: Demir Buljubašić, Čatić Refik, Imamović Armin i Skejić Samir) prihvata Zaključak Harisa Hodžića.

Z A K L J U Č A K

1. Gradsko vijeće Zavidovići vraća na doradu Akcioni plan realizacije Strategije integriranog razvoja općine Zavidovići za period 2017.-2026. za 2023. godinu sa trogodišnjim planskim periodom 2023. – 2025. godine.

2. Gradsko vijeće Zavidovići vraća na doradu Akcioni plan realizacije Strategije integriranog razvoja općine Zavidovići za period 2017.-2026. za 2023. godinu sa trogodišnjim planskim periodom 2023. – 2025. godine i nalaže Službi za upravu privredne, lokalni razvoj, infrastrukturu i međunarodnu saradnju i da Akcioni plan revidira i uskladi sa Budžetom Grada Zavidovići za 2023. godinu.

3. Zaključak stupa na snagu danom donošenja, a o njegovoj realizaciji starat će se Služba za upravu privredne, lokalni razvoj, infrastrukturu i međunarodnu saradnju.

Ad.4. - Prijedlog Odluke o izmjenama i dopunama Poslovnika o radu Gradskog vijeća Zavidovići.

Prijedlog Odluke o izmjenama i dopunama Poslovnika o radu Gradskog vijeća Zavidovići, u skladu sa članom 130. stav 1. Poslovnika o radu Gradskog vijeća Zavidovići, predlaže da se raspravlja po skraćenom postupku.

Predsjedavajući Gradskog vijeća konstatuje da je predložena tačka sa 26 glasova ZA, 0 PROTIV i 0 UZDRŽANIH (odsutni vijećnici: Demir Buljubašić, Čatić Refik i Imamović Armin) prihvaćena da se raspravlja po skraćenom postupku.

U raspravi učestvovali: Amer Avdičević.

Predsjedavajući Gradskog vijeća Zavidovići konstatuje da Gradsko vijeće sa 19 glasova ZA, 0 PROTIV, 8 UZDRŽANIH (odsutni vijećnici: Demir Buljubašić i Čatić Refik) usvojen Prijedlog Odluke o izmjenama i dopunama Poslovnika o radu Gradskog vijeća Zavidovići.

Ad.5. - Prijedlog Odluke o prodaji nekretnine neposrednom pogodbom Parlić Nedimu, označena sa k.č. 1276/51 k.o. Zavidovići vlasništvo Grada Zavidovići radi oblikovanja građevinske čestice.

Uvodno izlaganje podnio Remzo Sinanović.

Predsjedavajući Gradskog vijeća Zavidovići konstatuje da Gradsko vijeće sa 27 glasova ZA, 0 PROTIV, 0 UZDRŽANIH (odsutni vijećnici: Demir Buljubašić i Čatić Refik) usvojen Prijedlog Odluke o prodaji nekretnine neposrednom pogodbom Parlić Nedimu, označena sa k.č. 1276/51 k.o. Zavidovići vlasništvo Grada Zavidovići radi oblikovanja građevinske čestice.

Ad.6. - Prijedlog Odluke o prodaji nekretnine neposrednom pogodbom Mujić Muhamedu, označena sa k.č. 1254/8 i k.č. 1257/2 k.o. Zavidovići vlasništvo Grada Zavidovići radi oblikovanja građevinske čestice.

Uvodno izlaganje podnio Remzo Sinanović.
U raspravi učestvovao: Šemsudin Skejić.

Predsjedavajući Gradskog vijeća Zavidovići konstatuje da Gradsko vijeće sa 26 glas ZA, 0 PROTIV, 1 UZDRŽANIH (Uzdržan: Šemsudin Skejić, odsutni vijećnici: Buljubašić Demir i Ćatić Refik) usvojen Prijedlog Odluke o prodaji nekretnine neposrednom pogodbom Mujić Muhamedu, označena sa k.č. 1254/8 i k.č. 1257/2 k.o. Zavidovići vlasništvo Grada Zavidovići radi oblikovanja građevinske čestice.

Ad.7. - Prijedlog Odluke o pristupanju izradi Plana parcelacije za lokalitet „Gaj“ označen sa k.č. 1259/1 i 1254/7 i dijelovi k.č.: 1260, 1259/2, 1258/3, 1258/4, 1262/1, 1258/7, 1258/5, 1259/3, 1254/3, 1263/1, 1263/4, 1257/1, 1261 i 1254/2 sve u k.o. Zavidovići.

Prijedlog Odluke o pristupanju izradi Plana parcelacije za lokalitet „Gaj“ označen sa k.č. 1259/1 i 1254/7 i dijelovi k.č.: 1260, 1259/2, 1258/3, 1258/4, 1262/1, 1258/7, 1258/5, 1259/3, 1254/3, 1263/1, 1263/4, 1257/1, 1261 i 1254/2 sve u k.o. Zavidovići u skladu sa članom 130. stav 1. Poslovnika o radu Gradskog vijeća Zavidovići, predlaže da se raspravlja po skraćenom postupku.

Predsjedavajući Gradskog vijeća konstatuje da je predložena tačka sa 27 glasova ZA, 0 PROTIV i 0 UZDRŽANIH (odsutni vijećnici: Demir Buljubašić i Ćatić Refik) prihvaćena da se raspravlja po skraćenom postupku.

Uvodno izlaganje podnio: Remzo Sinanović.

Predsjedavajući Gradskog vijeća Zavidovići konstatuje da Gradsko vijeće sa 27 glasova ZA, 0 PROTIV, 0 UZDRŽANIH (odsutni vijećnici: Demir Buljubašić i Ćatić Refik) usvojen Prijedlog Odluke o pristupanju izradi Plana parcelacije za lokalitet „Gaj“ označen sa k.č. 1259/1 i 1254/7 i dijelovi k.č.: 1260, 1259/2, 1258/3, 1258/4, 1262/1, 1258/7, 1258/5, 1259/3, 1254/3, 1263/1, 1263/4, 1257/1, 1261 i 1254/2 sve u k.o. Zavidovići.

Ad.8. - Prijedlog Odluke o pristupanju izradi Plana parcelacije za lokalitet „Vozuća“ označen sa k.č. 217/1 i k.č. 217/11 k.o. Vozuća.

Prijedlog Odluke o pristupanju izradi Plana parcelacije za lokalitet „Vozuća“ označen sa k.č. 217/1 i k.č. 217/11 k.o. Vozuća u skladu sa članom 130. stav 1. Poslovnika o radu Gradskog vijeća Zavidovići, predlaže da se raspravlja po skraćenom postupku.

Predsjedavajući Gradskog vijeća konstatuje da je predložena tačka sa 27 glasova ZA, 0 PROTIV i 0 UZDRŽANIH (odsutni vijećnici: Demir Buljubašić i Ćatić Refik) prihvaćena da se raspravlja po skraćenom postupku.

Uvodno izlaganje podnio: Remzo Sinanović
U raspravi učestvovali: Fehrić Šemso i Kaknjašević Ferid.

Predsjedavajući Gradskog vijeća Zavidovići konstatuje da Gradsko vijeće sa 26 glasova ZA, 0 PROTIV, 0 UZDRŽANIH (odsutni vijećnici: Demir Buljubašić, Bajramović Maja i Ćatić Refik) usvaja Prijedlog Odluke o pristupanju izradi Plana parcelacije za lokalitet „Vozuća“ označen sa k.č. 217/1 i k.č. 217/11 k.o. Vozuća.

Ad.9. - Prijedlog Odluke o usvajanju Plana parcelacije za k.č. 1573/1 i k.č. 1481/1 k.o. Zavidovići.

Po predmetnoj tački dnevnog reda podnesen je Amandman od vijećnika Zahida Avdičevića.

Po predmetnom Amandmau je pribavljeno izjašnjenje Gradonačelnika.
Gradonačelnik prihvata Amandman Zahida Avdičevića, koji glasi:

„Dosadašnji član 4. Prijedlog Odluke o usvajanju Plana parcelacije za k.č. 1573/1 i k.č. 1481/1 k.o. Zavidovići, se u cijelosti mijenja tako da novi član 4. Glasi: „Nadležna služba za upravu Grada Zavidovići će na lokalitetu iz člana 1. Ove Odluke investitoru izdati odobrenje za građenje u svrhu rekonstrukcije već izgrađenih objekata, dogradnju, nadogradnju i izgradnju novih poslovnih objekata u skladu sa ovim Planom parcelacije.“

Uvodno izlaganje podnio Remzo Sinanović.

U raspravi učestvovali: Ferid Kaknjašević, Šemsudin Skejić, Igor Šimšić.

Odgovor iz službe: Remzo Sinanović.

Predsjedavajući Gradskog vijeća Zavidovići konstatuje da Gradsko vijeće sa 25 glasova ZA, 0 PROTIV, 0 UZDRŽANIH (odsutni vijećnici: Demir Buljubašić, Ćatić Refik, Džinić Hamdo i Fehim Tuzlić) usvaja Prijedlog Odluke o usvajanju Plana parcelacije za k.č. 1573/1 i k.č. 1481/1 k.o. Zavidovići.

Ad.10. - Prijedlog Odluke o davanju saglasnosti za prenos prava vlasništva i posjeda na Mjesnu zajednicu „Brezik“.

Predsjedavajući Gradskog vijeća Zavidovići konstatuje da Gradsko vijeće sa 24 glasa ZA, 0 PROTIV, 0 UZDRŽANIH (odsutni vijećnici: Demir Buljubašić, Ćatić Refik, Džinić Hamdo, Imamović Armin i Fehim Tuzlić) usvojen Prijedlog Odluke o davanju saglasnosti za prenos prava vlasništva i posjeda na Mjesnu zajednicu „Brezik“.

Ad.11. - Prijedlog Odluke o davanju saglasnosti za prenos prava vlasništva i posjeda na Mjesnu zajednicu „Gostović“.

Predsjedavajući Gradskog vijeća Zavidovići konstatuje da Gradsko vijeće sa 23 glasa ZA, 0 PROTIV, 0 UZDRŽANIH (odsutni vijećnici: Demir Buljubašić, Ćatić Refik, Džinić Hamdo, Imamović Armin, Šimšić Igor i Fehim Tuzlić) usvojen Prijedlog Odluke o davanju saglasnosti za prenos prava vlasništva i posjeda na Mjesnu zajednicu „Gostović“.

Ad.12. - Prijedlog Odluke o davanju saglasnosti za prenos prava vlasništva i posjeda k.č. 71 k.o. Hajderovići, na Mjesnu zajednicu „Pašin Konak“.

Predsjedavajući Gradskog vijeća Zavidovići konstatuje da Gradsko vijeće sa 23 glasa ZA, 0 PROTIV, 0 UZDRŽANIH (odsutni vijećnici: Demir Buljubašić, Ćatić Refik, Džinić Hamdo, Imamović Armin, Šimšić Igor i Fehim Tuzlić) usvojen Prijedlog Odluke o davanju saglasnosti za prenos prava vlasništva i posjeda k.č. 71 k.o. Hajderovići, na Mjesnu zajednicu „Pašin Konak“.

Ad.13. - Prijedlog Odluke o davanju saglasnosti za prenos prava vlasništva i posjeda k.č. 81 k.o. Vozuća, na Mjesnu zajednicu „Vozuća“.

Predsjedavajući Gradskog vijeća Zavidovići konstatuje da Gradsko vijeće sa 23 glasa ZA, 0 PROTIV, 0 UZDRŽANIH (odsutni vijećnici: Demir Buljubašić, Ćatić Refik, Džinić

Hamdo, Imamović Armin, Šimšić Igor i Fehim Tuzlić) usvojen Prijedlog Odluke o davanju saglasnosti za prenos prava vlasništva i posjeda k.č. 81 k.o. Vozuća, na Mjesnu zajednicu „Vozuća“.

Ad.14. - Prijedlog Odluke o davanju na korištenje poslovne prostorije u vlasništvu Grada Zavidovići Udruženju ljubitelja i autora pisane riječi „Duga“ Zavidovići.

Predsjedavajući Gradskog vijeća Zavidovići konstatuje da Gradsko vijeće sa 24 glasova ZA, 0 PROTIV, 0 UZDRŽANIH (odsutni vijećnici: Demir Buljubašić, Ćatić Refik, Džinić Hamdo, Imamović Armin i Fehim Tuzlić) usvojen Prijedlog Odluke o davanju na korištenje poslovne prostorije u vlasništvu Grada Zavidovići Udruženju ljubitelja i autora pisane riječi „Duga“ Zavidovići.

Ad.15. - Izvještaj o stanju opremljenosti Profesionalne vatrogasne jedinice Grada Zavidovići za 2022. godinu.

Uvodno izlaganje podnio Remzo Šogolj.

U raspravi učestvovao: Bošnjaković Hakija.

Predsjedavajući Gradskog vijeća Zavidovići konstatuje da Gradsko vijeće sa 24 glasova ZA, 0 PROTIV, 0 UZDRŽANIH (odsutni vijećnici: Demir Buljubašić, Ćatić Refik, Džinić Hamdo, Imamović Armin i Fehim Tuzlić) usvojen Izvještaj o stanju opremljenosti Profesionalne vatrogasne jedinice Grada Zavidovići za 2022. godinu.

Sjednica Gradskog vijeća završena je u 17.17 sati.

Sastavni dio ovog Izvoda iz zapisnika čini tonski snimak koji se, shodno članu 97. stav 4. Poslovnika o radu Gradskog vijeća Zavidovići, trajno čuva u arhivi Vijeća i dostupan je na uvid javnosti.

ZAPISNIK SAČINILA

Elma Karanović

OVJERAVA
SEKRETAR GV- a

Samira Pinjić, dipl. pravnik

PREDSJEDAVAJUĆI
GRADSKOG VIJEĆA

(po ovlaštenju Gradskog vijeća)
broj: 01-04-3183/22-AP-3 od
29.12.2022. godine
Šemsudin Skejić, dipl. ing. maš